



PREUREDIMO SLOBODAN PROSTOR!

Parkiralište kao vrt, ulica kao prostor za fitness
ili čak najduži stol u gradu?

Imate li neku kreativnu ideju za jednu akciju kojom se
oživljava javni prostor? Zajedno je možemo ostvariti i
preurediti slobodni prostor u gradu.

Javni prostor pripada svima nama i poziva na uživanje, otkrivanje i oblikovanje. Sa gradskim oazama želimo pokazati kako se trg iza ugla ili direktno pred kućnim vratima može koristiti na nove načine. Kultura, priroda, slobodno vrijeme ili oporavak – mnogobrojnim akcijama unosimo život u ulice i okupljamo ljude u naselju.

Beč raste i raznoliko korištenje slobodnih prostora sve više dobiva na značenju. Cilj mora biti živopisni i pravedno podijeljeni grad u kojem u svim dijelovima grada žive svi socijalni slojevi stanovništva sa aktivnim građanima. Ove ciljeve prate programi grada Beča kao što su STEP 2025 i Smart City Vienna.

0660 / 712 88 56

INFO@GRAETZLOASE.AT

WWW.GRÄTZLOASE.AT

ŠTA

Želimo stvoriti šarene gradske oaze i mjesta koja su do sada rijetko korištena za zajedničke akcije ispuniti životom. Ove akcije bi trebale, u ograničenom vremenu, pozvati na korištenje slobodnog prostora na novi ili drugačiji način.

Imate li ideju za jednu akciju kojom se oživljava Vaš dio grada i pokazuje šta je sve moguće na trgu iza ugla, na ulici ili direktno pred kućnim vratima?

Ako Vaša akcija . . .

- . . . stvara nove mogućnosti korištenja slobodnog prostora zajedno sa drugima
 - . . . motivira i druge građane da sudjeluju
 - . . . podstiče zajednički život
 - . . . originalna je i kreativna
 - . . . nije orijentirana na dobit
 - . . . provodljiva je u realističnom vremenskom periodu
- onda nam se pridružite i predložite Vašu akciju.

KO

Sudjelovati mogu sve Bečanke i Bečani, koji zajedno sa drugima žele provesti kreativne akcije u javnom prostoru.

Imate li jednu dobru ideju ili ste već aktivni u nekoj grupi ili udruzi? Pozivamona sudjelovanje i organizacije, škole i lokalne poduzetnike!

PRIDRUŽITE SE I PREDLOŽITE NAM VAŠU AKCIJU!

KAKO

U toku ove godine možete predati formular za prijavu akcije.



POSTUPAK

- 1** Žiri bira akciju u skladu sa kriterijima. Javljam vam se najkasnije četiri nedjelje nakon predaje ideje.
- 2** Vaša akcija je odabrana. Dogovaramo daljnje korake provedbe ideje.
- 3** Vaša akcija predstavlja se slikom na našoj homepage. Termini i daljnje informacije se dopunjavaju.
- 4** Akcija se mora sprovesti, dokumentirati i obračunati do kraja slijedeće godine.

Akcije možete prijaviti u bilo koje doba. U svakoj godini postoje tri roka za prijavu, nakon kojih se vrši izbor i daje odobrenje. Detaljne informacije možete naći u uslovima sudjelovanja.

MI

Ako nas Vaša akcija uvjeri, provesti ćemo je zajedno!

MI Vas podržavamo:

- stručnim savjetovanjem
- podrškom u organizaciji akcije
(npr. pri traženju dozvola ili osiguranja)
- financiranjem troškova materijala, naknada, pozivnica i slično)
- pri reklamiranju akcije
Za jednu akciju stoji na raspolaganju iznos do € 4000,- brutto.

VI ste odgovorni za:

- plan i organizaciju akcije
- uključivanje drugih u akciju
- nabavku i izradu raznog materijala i opreme
- izradu i raspodjelu reklamnog materijala
- provedbu akcije
- dokumentaciju i kratak izvještaj sa slikama

Uslovi sudjelovanja

1. Područje djelovanja akcija

U okviru akcionog programa biti će podržane akcije koje se odvijaju u javnom ili djelimično javnom prostoru, koje su usmjerene na dobrobit zajednice i koje se sprovode zajedničkim djelovanjem sudionika. Ne podržavaju se protestne akcije, demonstracije, skupovi političkih stranaka, komercijalne akcije ili akcije usmjerene na sticanje dobiti.

2. Učesnici

Učestvovati mogu fizičke ili pravne osobe, na primjer građani, škole, organizacije i udruge kao i lokalni poduzetnici, pod uslovom da u toku akcije nemaju interese sticanja dobiti.

3. Odluka žirija

Odluke žirija su neopozive. Pravni put je isključen.

4. Objavlivanje

Učesnici su saglasni da, u slučaju njihovog izbora, opisi projekta i svi prilozi smiju biti javno objavljeni (npr. Homepage, saopštenja za štampu i slično).

5. Vremensko trajanje akcije

Akcija mora biti realizirana i završena najkasnije do kraja slijedeće godine.

6. Naknada troškova

U okviru akcionog programa Udruga LA21 nadoknadjuje maksimalan iznos troškova u vrijednosti od € 4000,- brutto. Stvarni iznos sredstava potrebnih za pojedine akcije Udruga ugovara prije provodjenja akcije direktno sa provoditeljima. Financijske doprinose odvija Udruga LA21.

7. Sticanje i vlasništvo dobara

Dobra stvorena ili stečena sredstvima Udruge LA21 su vlasništvo Udruge i predaju joj se nakon završetka akcije.